

Kenawayimik lee zawn fawn chi-miywayahk pi l'ikol pakwatem-awhkousiwin.



L'ikol Cheestahoukawaywin Wawpaynikaywin

Poor tee zawn fawn chi-touhtaychik l'ikol didawn Ontario, saprawn chikee cheestahouhchik pakwatem kaw-pimitishahikawtayk kawmiyiwwun awhkousiwina:

- Meningococcal awhkousiwin
- Pertussis (la kokleush)
- Varicella (la pikout)
(Poor lee zawn fawn nihtawoukiw ishpee 2010 keema apray)
- Diphtheria
- Tetanus
- La malajee'd paraleezee
- La rouzhol
- Mumps
- Rubella

Poor kootaka kaw-natawayihtakwun cheestahoukawaywina, keewkay Ontario Cheestahoukawaywin Koonploon itay ontario.ca/vaccines.

Pimitishaha Ontario soo Cheestahoukawaywin Koonploon

Kaw-parawnteeyin, kaw-keanwaymichik tee zawnfawn pat dawnzee pi chi-miywayahk si aykwawnima toon noombr un chiwawpahtamihk. Kahkiyaw lee zawn fawn kaw-itouhtaychik l'ikol awnter 4 ishko 17 see nawzh pikou chi-cheestahouhchik pleu lwayn ouschi Ontario soo Cheestahoukawaywin Koonploon. Cheestahoukawaywin kenawaymikow lee zawn fawn ouschi mischayt en siirieu awhkousiwina aykwawnihi wawhkaypayin chi-awshoopayik didawn l'ikol.

Awntser ooma *Lee Lway'd Cheestahoukawaywin lee Zawn Fawn D'ikol*, lee zawn fawn pikou chi-ayawchik kayschinhawin ouschi cheestahoukawaywin pakwatem diphtheria, tetanus, la malajee'd paraleezee, la rouzhol, mumps, rubella, meningococcal awhkousiwin, la kokleush, pi - poor lee zawn fawn nihtawoukiw ishpee 2010 keema apray- la pikout chi-itouhtaychik l'ikol keeshpin pikou kaw-kayshchinahook pakitinikawshoow. Lee zawn fawn aykwawniki namoo kahkiyuw kaw-pooni cheestahouhchik namoo chikee pakitinow chi-iyouhtaychik l'ikol.

Kaykwuy chikee itoutamaen

Wawpaynikay avek toon li doktoer keema mouhchi akouta alawntour li piblik la sawntee li'ofis to make sure toon zawn fawn ayow kahkiyuw cheestahoukawaywina saprawn chi-ayahk poor chi-itouhtayhk l'ikol. Keeshpin toon zawnfawn pimitishahem cheestahoukawaywin koonploon, noo ayiwawk cheestahoukawaywina saprawn chi-nitawayihtakwun.

Kishkayistaen chin kiya kipishkayimiwwun chi-weestamakayin toon zawnfawn ooshkayi keestawm cheestahoukawaywin lee rekor ishi mouhchi akouta alawntour li piblik la sawntee li'ofis? Toon doktoer namoo weestam oohin lee rekor poor kiya. Chi-mishkamaen toon mouhchi akouta alawntour li piblik la sawntee li'ofis, keema poor ayiwawk weestamakayin ouschi cheestahoukawaywin, keewkay ontario.ca/vaccines.

Kahkiyaw kiyanawn chi-kenawaymishatitooyahk.

Ishpee kaw-cheestahouhchik tee zawn fawn, chikee kenawaymawuk ouschi machi awhkousiwina akwa meena kootakak lee zawn fawn wawshakawmihk wiyawow.

Poor ayiwawk 200 awn, cheestahoukawaywina kee-pashpeenam pimatishiwin wawshakawmihk la tayr!

Nawta cheestahoukawaywina pi kenawaymik too famee pakwatem kaw-pimitishahikawtayki awhkousiwina.

PERTUSSIS (la kokleush)

La kokleush si aykwawnima awshoopayin awhkousiwin kaw-itouchikaymakahk kinwaysh ohtstootamoowin ishi lee zawn fawn, en zhenn kaw-ouhpikiwak pi en grawn parsonn. La kokleush chikee koushtatikwun ishi aen pchi beebée. Ooma ohtstootamoowin chikee itouchikaymakan ishi lee zawn fawn chi-pwawkamoochik keema pooni pakitatawmou poor achiyuw. Chikee meena itouchikaymakahk siirieu li troub tapishkoot li mooniya, akwa meena la sarvel damaazh pi ouchipitikoowin ishi lee beebée.

VARICELLA (la pikout)

La pikout si aykwawnima awshoopayin awhkousiwin aykwawnima chikee itouchikaymakahk nayshtoushiwin, apsheesh tayshtikwawnaywin, la fyayv ishko 39 °C, kawachiwin pi li nayr keema li zhwayn taywow payyek pi deu avawn aen roozh, kaykishiwin, tapishkoot aen boufeed doo mooshkipayiwun mawcheemakun. Li troub ouschi la pikout chikee koushtatikwun pi meena avek bacterial la poo kawmiyiwin, laray miwun, pi li mooniya.

MENINGOCOCCAL AWHKOUSIWIN

Meningococcal kawmiyiwin chikee itouchikaymakahk siirieu awhkousiwina, avek pawkipayiwun la sarvel pi soo raenchee. Pawkipayiwun la sarvel pi soo raenchee si aykwawnima mitouni koushtatikwun kawmiyiwin kaw-ishpayik ishi li moond kaw-nakishka avek ishi kootak li moond mawna kaw-miywayahk si aykwawnima "takonam" keema nakishkawayw kootaka kaw-awhkoushit avek awhkousiwin. Meningococcal awhkousiwin chikee meena itouchikaymakahk li sawn awn pwayzonee pi kawmiyiwin la sarvel pi li raenchee.

TETANUS

Tetanus keema en malajee di mashwayr si aykwawnima siirieu awhkousiwin chikee ishpayin keeshpin la tayr avek ooma tetanus miyiwiwin pihtikwaypayin ishi manishwown didawn li poo. Chikee itouchikaymakan ouchipitikoowin ouschi li nayr pi li dawnzee nanspichipayiwun.

DIPHTHERIA

Ooma en siirieu awhkousiwin daw li nee, la gorzh pi li poo. Ay-itouchikaymakan la gorzh pwaen, la fyayv pi kawachiwin. Diphtheria chikee ayimen ishi kaw-pakitatawmou li troub, en cheur nakipayiwun pi nerve damaazh.

LA MALAJEE'D PARALEEZEE

La malajee'd paraleezee si aykwawnima siirieu awhkousiwin li moond kawschitimawak kaw-minihkwaychick diloo pi kaw-meetshou li mawzhee avek La malajee'd paraleezee en malajee kaw-awshoupayik ashtayw. Chikee meena awshoopayin ouschi en parsonn-ishi-en parsonn. La malajee'd paraleezee chikee itouchikaymakan moushihowinis damaazh, paraleezee awiyek poor tahkinaen pi meena chikee itouchikaymakan nipouwin.

MUMPS

Mumps si aykwawnima awshoopayin awhkousiwin itouchikaymakahk ouschi en malajee kaw-awshoupayik pi kishkayistakwun ouschi la fyayv, tayshtikwawnaywin akwa meena kawpawkipayik daw sa zhoo, li mawshwayr pi aen koo. Chikee itouchikaymakan li troub tapishkoot awkawwawt paystemooowin pi pawkipayiwina daw li sarvel.

LA ROUZHOL

La rouzhol si aykwawnima mitouni awshoopayin kawmiyiwin miyiwiwin. Chikee itouchikaymakan mishtahi la fyayv, ohtstootamoowin, mooshkipayiwun, aen reum kiayawn pi aen zyeu roozh. La rouzhol chikee itouchikaymakan li troub tapishkoot laray miwun pi li mooniya.

RUBELLA

Rubella si aykwawnima awshoopayin awhkousiwin kaw-itouchikaymakahk ouschi en malajee kaw-awshoupayik. Rubella chikee itouchikaymakan la fyayv, mooshkipayiwun, tayshtikwawnaywin, apsheesh aen reum kiayawn pi aen zyeu roozh (conjunctivitis). Chikee itouchikaymakan si riskee pour lee fawm pi see beebée, pi li mal di zwaencheur ishi en grawn parsonn.

Aenportaan la nout:

Lee zhawn'd ikol eka kaw-oushkawyi-ayawak cheestahoukawaywin lee rekor kaw-mashnaykawtayik itay mouhchi akouta alawntour li piblik la sawntee l'ofis chikee nakinaw ouschi l'ikol ishko lee rekor pakitinikawtaywa.

Keeshpin toon zawn fawn chi-ayawht cheestahoukawaywin kaw-kayshchinahookh pakitinikawshoow, madoon peekishkwata toon mouhchi akouta alawntour li piblik la sawntee l'ofis. Lee parawn kaw-nohtay pakitinayw see zawn fawn ouschi chi-ayawht cheestahoukawaywina poor noo-en malajee en rezoon saprawn chikee keeshihtaw aen kishshinamakaywin nasawnblee. Pishkayista aykwawnima lee zawn fawn kaw-pakitinik ouschi cheestahoukawaywin nawut ayiwawk en risk pi chikee nakinaw ouschi l'ikol maykwawt awhkousiwin en malajee kaw-awshoupayik.

Kawschitinin mouhchi akouta alawntour li piblik la sawntee l'ofis chi-weestamaen toon zawn fawn ocheestahoukawaywin lee rekor.